



THE
LIBRARY OF THE
MUSEUM OF NATURAL HISTORY
AND
ZOOLOGY
OF THE
CITY OF LONDON
1871



IVLII CAESARIS BULENGERI

Praefatio

PISIS HABITA ANNO M.DC.XIX.



Q U O D portifculi olim, & incentores in tri-
remibus facillitare soliti erant, ut remigibus
celeuma canerent, & diuturno labore fra-
ctis animos cantu adderet, itidem hodie mi-
hi faciendum esse video, ut ingenuis adole-
scentibus ad florentem hanc Academiam,
velut ad nobile literarum emporium con-
fluentibus celeuma canam, & ultro currentibus ex veteri more
calcaria subdam. Equorum cursus (ait ille) favore pernicio-
sis, pugilum fortitudo clamoribus incitatur, paratas ad proelium
acies, strictosq; mucrones vox Imperatoris accendit. Quanto iu-
stius est, ut paratos ad literarum studia iuuenum animos cohor-
tatio dicentis inflammet: mihi tamen in hoc munere minus esse
laborandum animaduerto, quod remiges fere inuiti, ac recusantes
ad remum adiguntur, vos sponte, ac volentes ad hanc studiorum
velificationem concurritis, militibus periculi metus animos fran-
git, vobis in hac litteraria concertatione praemij spes animos fa-
cit, pugilibus labor, & incerta victoria languorem afferunt, vo-
bis ipsa literarum oblectatio ad victoriam anhelantibus mirifice
blanditur. Magnos a parvulis ad literas impetans, maiores ipsi-
met a vobis assertis, ut non tam stimulis quam freno vester ille
animorum ardor egere videatur. quia tamen Academia lexita

est.

A

fert,

fert, ut auspicali stultiorum die aliqua cohortationis species, in hoc loco vobis adhibeatur, consuetudini parebo, & de literarum dignitate pauca prefabor, magis quidem, ut Academię instituta maneant, quam ut vestra illa singularis animorum alacritas vehementius incitetur. Quod dum studiose facere conor a vobis vehementer etiam atque etiam peto, & contendo, ut breuissimi temporis audientiam mihi ne denegatis.

Veteres Philosophi, inter eos, qui literis panitus imbuti essent, & eos, qui bonarum artium rudes in tenebris iacerent, plurimum interesse censuerunt, quod illi animum multiplici cognitione perspicacem haberent, hi barbarie, & inscitia cecum, illi in priuatis publicisq; negocijs acuti, solertes, synceri essent, hi obtusi, habetes, peruersi, illi in colloquio, & conuentu elegantes, humani, circumpecti, hi stolidi, agrestes, inhumani, illi efferentibus se se animi metibus rationis frænum inijcerent, hi precipiti natura impetu veluti bruta animantia temere se ferri paterentur, illi vera bona quę in animo sita sunt ambirent, hi falsam boni speciem, & omnes vanę glorię ymbras consecrarentur, illi pacem, & otium in Ciuitatibus, hi odia, & turbas sererent, alerentq;, illi denique Deo immortalis propiores, hi feris immanibus haud absimiles essent. Diogenes certe Cynicus sapientia laude celebratus inter hominem doctum, & indoctum tantum interesse statuerebat, quantum inter egrotum, & Medicum, quia ut Medici corporis, ita docti animi vulneribus medeantur, Aristoteles quantum inter coecum, & oculatum, quia sicuti oculus ab aere, ita & animus a scientia lumen mutuatur, Heraclitus quantum inter hominem mortuum, & viuum, quia sicuti mortui sine sensu inutile terra pondus iacent, ita & indocti sine intellectu sibi suisq; oneri sunt, & inutile terra pondus circumferunt, Anaxagoras quantum inter Deum, & hominem, sicuti enim Deus res hominum nutu suo regit, & temperat, ita & docti res imperita multitudinis arbitratu suo moderantur, canente Poeta.

Ac veluti magno in populo si forte coorta est
Seditio, sæuirq; animis ignobile vulgus,
Iamq; faces, & saxa volant, furor arma ministrat;
Tum pietate grauem, ac meritis si forte virum quem
Conspexere silent, arrectisq; auribus astant,
Ille regit dictis animos, ac temperat iras.

Socrates

II

Soerates diuitem indoctum asinum coronatum, aut mulum phaleris aureis ornatum esse asseuerabat, Caligula Imperator pecudem auream, Aristippus lapidem, aut lignum inauratum. Quo pertinet apud Ansonium elegans Epigramma de Russo quodam homine imperito.

Rhetoris hæc Ruffi statua est, si saxeæ, Ruffus,
Cur id ais? semper saxeus ille fuit.

Quare Xenocrates in theatro lapides lapidibus insidere distabat. Mitylenæi certe tantum in literis momenti esse existimabant, ut hostibus victis non aliud mulctæ indicerent, quam ut ab ingenio artibus, & sapientiæ studiis abstinerent. Quorum exemplo Iulianus ille desertor Christianis veterum acutorum lectione, & bonarum artium institutione interdixit. Clisthenes quidem vir sapientissimus Sicyonios Græciæ populos a literis maxime abhorrentes suarios, & asinarios appellitabat, quod sues in cano volutati oculis ad terram affixis Cælum numquam suspiciant, nec ullo citharæ cantu moueantur. Quare & Marsiæ tibicini imperito, qui cantu cum Appolline certare ausus est suillam caudam veteres addiderunt. Eosdem & asinarios ille vocitabant, quod asini ad cætera auriti ad lyram obsurdescant, & incondito ruditu musicam perturbent, ideo & Aegyptij ut hominem indoctum Hieroglyphicis suis literis pingerent, asinum inter flores, & vnguenta statuerunt; Cum autem homines indoctos omnis antiquitas eiusmodi ludibrijs adumbrarit, tum vero viros eruditos honorificentissimis titulis ornauit, eosque Regum, Sacerdotum, & immortalium nominibus insigniuit, vnde & Manilius optimus Matheſeos auctor regales tantum, & generosos animos literarum studiis incendi scribit his verbis.

Et se natura reclusit

Regales animos primum dignata mouere
Proxima tangentes rerum fastigia Cælo;
Me vero primum dulces ante omnia Musæ,
Quarum sacra ferro ingenti perculsus amore,
Accipiant, Cœlique vias, ac sidera monstrent.
Felices animæ, quibus hæc cognoscere primum;
Inque domos superas scandere cura fuit
Credibile est, illos pariter vitiisque, iocisque;
Altius humanis exeruisse caput.

✎ 2 lidem

Iidem Sacerdotes dicti sunt canente Poeta;
Primus ego ingredior puro de fonte sacerdos
Itala per graios orgia ferre modos.
Nos sacri vates, & Divinum cura vocatur.

Ipsi etiam Iurisperiti ab Ulpiano iuris, legumque sacerdotes vocantur, quia nullum Deo sacrificium iustitia quam eruditio alit acceptius esse possit; eosdem immortales dictos esse argumento est Aharis Hyperboreus, qui terrarum orbem more sagitta puncto temporis peragravit: cum enim saeviente peste de eo quesitum esset, qua ratione pestilens annus conquiesceret respondit, si populus immortalium pro rudi, & imperita multitudo Deo preces obtulisset, immortales eos interpretatus, qui literarum gloria celebritatem nominis consequuti essent. quemadmodum enim obelisci cum labore statuuntur, sed ævis durant, ita & scientia labore parata immortalitate donatur. Ipsa eruditio torrens sapientie in sacris literis indigetatur, à quibus non abludivit Poeta hoc eleganti Carmine.

Monte decurrens velut amnis, imbres quem super notas aluere ripas feruet, immensusque ruit profundo Pindarus ore. Quemadmodum enim Nilus æstivis pluvijs auctus sitientes Aegypti agros eluione sua conferit, & oblimat, & ut irrigui fontes prata floribus, camporum æquora fructibus vestiunt, ita & omnis florum suavitas, & fructuum ubertas ab eruditione manat. Isidem scientia Deam fuisse Plutarchus ait, quæ medicamentum immortalitatis apud Aegyptios repererit. In eius sacris Apuleio narrante linteati Sacerdotes lucernam, Altaria, palmulam, caduceum, lac, & vannum solemnibus supplicationibus circumferebant, lucernam quidem, quod literæ cæcis, & caligantibus animis lucem alluceant, Altaria quod pietatem infundant, & Dei cultum hominibus instillent, palmulam quod in rebus arduis victoriæ viam aperiant, caduceum, quod pacis studia commendent, lac ob nictum candorem, & insitæ suavitatis dulcedinem, Vannum quod falsa separent a veris, & inutiles paleas ab utiligrano excernat. Eodem argumento in Antiochi Syriæ Regis nummo noctua, quæ scientiæ symbolum est supra leonem humi procumbentem expansis alis volitat, ut eruditione feritatem, & barbariem emolliiri, & corporis robur scientiæ cedere significetur. non alio aspectu, scribit Pausanias Athenis Mineruam talari veste amictam agere de pectore.

de pectore insidente manu hastam dracone circumplicatam vibrare, ut in talari veste scientia maiestas, in agide sapientia, quæ literarum hostes in lapides versos silentio damnat, in dracone quod immortale animal habetur, & in hasta, quam pro Deo venter coluere, vis eruditionis immortalis exhibeatur. Quare & Herculis hasta cor Plutonis inferorum Dei confossum esse voluit, ut ea res argumento esset, mortis vim, & efficientiam literarum studiis extingui, nec quidquam adeo reconditum esse, quod subtili disquisitione non inuestigetur. Eadem mente apud Pausaniam Athenienses in cuspide hastæ Palladis Sphynxem anigmatum interpretem expressere, quod nihil adeo sit abditum, nihil tot anigmatum inuolueris implicitum, quod literarum luce non illustretur. Adde, quod nulla est ad virtutem, & honores expeditior via, quam per literas, & eruditionem, quod Symmachus Romæ significatum esse ait, ubi virtutis, & honoris delubra cum sacri fontis, & Camanarum religionibus coniuncta fuerint. Hac inuoluta sunt, hæc integumenta quibus veteres illi sapientiæ Antistites eruditionis amplitudinem veluti penicillo delinearunt, quæ cum in Italia terrarum orbis principe semper vigerint, magnifice de vobis sentire debetis, ingenui adolescentes, qui acceptam a parentibus gloriam alitis, augetis, & sedulo propagatis. Nec enim alibi eruditio in pretio est, quam apud eos, qui excellentibus a natura ingenijs præditi sunt. Quemadmodum enim Nilifons in Aethiopiæ solitudinibus inter bruta animantia latet, in Mauritania, ubi homines visuntur, emergit, in Aegypto, ubi honestæ artes ab omni memoria enituerunt, agros uberi limo facundat, ita, & hoc nostro sæculo literæ apud Turcos, & Tartaros velut inter bruta animantia latent, in Italia ingeniorum, artiumque parente maxime vigent. Naturæ periti canculos fluminarum accolæ aiunt Hyeme marcescere, & ex succos fieri, vere & autumnus, quo tempore mitioribus astris afflantur adipatos suauissimi succi esse, ita & ingenus artes apud barbaros veluti hyemis frigora constrictæ marcent, in Italia, ubi grata veris æternitas, & benignius Sydnus aspirat feliciter efflorescunt. Quemadmodum enim Cynorrhodi folia beluis pestifera sunt, hominibus salutaria, ita & literæ barbaris, & feris animis exitio sunt, elegantibus, & politis salutis, & uti cornua Unicornium fontes, si quid forte veneni subest, attactu suo purgant, & cæteris animantibus

mantibus innoxios præbent, ita & literæ ex animis hominum uicium omne exurunt, & sitientibus sapientia fontes aperiunt, qui tamen non ut leuia metallâ in superficie glebæ, sed ut opulenta, & aurea in ipsis naturæ visceribus inquirendi sunt. In Chio Aegæi maris insula ædem Dianæ fuisse aiunt, in qua Dea simulacrum ineuntibus triste, & retorridum, exeuntibus hilare, & lætum esse videretur, ita & principia literis discentibus aspera sunt, difficiles aditus, in post principijs ait Varro plenissima voluptas, exitus lati, & faciles reperiuntur, si modo aliquid ad litterarum studia perseverantiæ adhibeatur, & quod Athenienses olim in Prytæneo fecerunt, ut fugitium Argonautarum lapidæ plumbo adstringerent, ne iterum abscederet, ita & vos ad litterarum studia fugitium animum veluti plumbo deuinctis, ne à serijs ad ludicra transfugiat, & sapientiæ fontes non summo tantum ore, sed pleno guttore, vel potius toto pectore concipiatis. quemadmodum enim Scyræus lapis integer quacūque tandem mole, quocumque pondere sit nunquam aquis mergitur, si confractus, & deminutus fuerit illico sorbetur, ita & eruditio integra, solidaq; nullo fortunæ impetu mergitur, contrita, ac deminuta quolibet casu perit, & profundis hauritur. Quæ cum ita sint, ingenui adolescentes, in literas fortiter incumbite, in quibus humana felicitatis summam veteres Philosophi reposuere, & nobilem, ac plane regium animorum cultum auide combibite, nolite Turcos, & Tartaros imitari, qui beluarum more sine literis, & disciplina vitam agitant. Nihil est, in quo felicius validissima vestra ingenia, quam in literis acquiescant. Doctores habetis, in quibus non minus est eruditionis, quam in docendo facilitatis, & in colloquijs humanitatis. Nolite committere, ut ignauia uestra suauissimus, pulcherrimusq; litterarum fructus nobis excidisse videatur. Dixi.

PISIS, Apud Ioannem Fontanum, 1619.
Superiorum permissu,

99 956852

